

BOLUNTARIOAREN EGUNA. Borondatezko lanaren arloak zehaztuko eta babestuko ditu

Boluntarioen Euskal Kontseilu berriak sektorerako plana egitea du xede

Araba, Bizkaia eta Gipuzkoan 16.800 lagun ari dira GKEtan eta 100.000 laguntzaile dituzte

Agentziak | BILBO

Arabako, Bizkaiko eta Gipuzkoako erakundeek eta GKE gobernuz kanpoko erakundeetako ordezkariak Boluntarioen Euskal Kontseilua eratu zuten atzo, Bilbon. Erakunde berriaren lehen helburua da sektorea «bultzatu eta dinamizatu duen» plan bat eratzea.

Javier Madrazo Eusko Jaurilaritzako Gizarte Gaietarako kontseilaria izango da Boluntarioen Euskal Kontseiluko lehendakaria eta bera izan zen, hortaz, sorrera ekitaldia presiditu zuena. Madrazoz gain, instituzioen beste 12 ordezkari izango dira Kontseiluan: Jaurilaritzako sei, diputazioetako hiru eta Eudel udalerrien federazioko beste hainbat. Boluntarioen bitartez lan egiten duten 75 elkarte hautatu dituzte gainerako 13 ordezkariak.

Borondatezko lanaren arloak zehaztuko ditu planak

Lehen betebeharrak Boluntarioen Euskal Planaren zirriborroa egitea izango da. Egitasmo horrek zehaztuko ditu zein arlotan arituko dira GKEak. Kontseilua-
ren ardura izango da borondatezko lana egiten duten elkar-



INIGO AZKONA

Javier Madrazo, atzo, Boluntarioen Euskal Kontseilua eratze bileran.

en ekimenak eta proiektuak kontrolatzea eta zabaltzea. Halaber, instituzioen eta GKEen arteko lana koordinatuko du, «Euskadiren garapen ekonomiko eta soziala laguntzeko», Madrazok azpimarratu zuenez.

Boluntarioekin lan egiten du-

ten elkarrekin goitiki zituen Madrazok, «eskuzabaltasunez eta altruismoz ari direlako lanean, elkartasunaren eta berdintasunaren alde eta oinarritzko baloreak eta Giza Eskubideak garatu daitezkeen».

Madrazok emandako datuen

arabera, 2.250 GKE daude Araba, Bizkaia eta Gipuzkoan. 16.826 lagunek egiten dute lan horietan eta beste 100.000 boluntario dituzte.

GKE gehienek hurrekin, gazteekin eta familiekin lan egiten dute.

SEXU ERASOAK

Lau neskari eraso izana egotzi diote Gasteizen atxilotutako gizon gazte bati

Efe | GASTEIZ

Gutxienez lau neskari erasotzeaz akusatutako gizon gazte bat atxilotu du Ertzaintzak Gasteizen. Ertzaintzak atzo jakinarazi zuenez, J.P.S.P. 23 urteko gasteiztarra asteartean harrapatu zuten, parke batean neskato bat ukitzerazihoala.

Lehen salaketa urrian jaso zuen Poliziak: 12 urteko neska batek salatu zuen gazte batek besoetatik heldu zuela eta ahoan muxu eman arte oratu zuela, ihes egin aurretik. Azaroaren 21ean eta 29ean, berriz, 17 urteko beste bi neskek ziurtatu zuten erasotzaile batek genitalak ukitu zituela.

Ikerketen ondoren, Ertzaintza ohartu zen Gasteizko beste neska bati bizkarretik eraso ziotela azaroaren 29an.

Erasoak gertatu ziren auzoetan segurtasun neurri bereziak hartu zituen Ertzaintzak eta astearte goizean atxilotu zuten susmagarria, antza denez, beste eraso bat egitera zihoala. Taberna bateko zerbitzari baten aurkako sexu eraso ere egotzi diote.

SARIA

Alberto Gartzia 'Urteko Boluntario' izendatu dute

Gipuzkoako Erretiratu eta Pentsionisten Elkarteak presidentea Alberto Gartzia Inosa *Urteko Boluntarioa* izendatu zuen atzo lurralde horretako Foru Aldundiak. Gipuzkoako adineko pertsonen ongizatearen alde «luzaz eta musutruk» egindako lanarengatik eman zioten saria Gartzia, boluntario gisa lan egiten duten 200 lagun txaloen artean.

Maximo Goikoetxea Gizarte-erretiratuak diputatuak «egiten ari den horretan sinisten duen borrokalari handizat» jo zuen Erretiratu eta Pentsionisten Elkarteak bu-
rua. Gartzia, bere aldetik, Aldundiaren laguntza eskertu zuen, batik bat diru eskerei erantzuteagatik.

adi! 600.000 bezero k zure berri izango dute

AUKERATU EUSKALDUNON GIDA KOMERTZIALA

- Euskal Herri osoko hedapena
- Euskaraz
- Erabilgarriago eta erakargarriago
- 80.000 aleko banaketa estrategikoa

□ Bi euskarri prezio bakan batean
www.egunkaria.com/gidakomertziala

Ordaintzeko erraztasunak!

Laster bisitatuko zaitugu

Informazio gehiagorako deitu 943 300 222 telefonora edo e-posta bidez www.publi@egunkaria.com -era

Euskal merkaturako sarbidea **Egunkaria**

JOSEBA TAPIA

AGUR INTXORTA MAITE

(CD hau dendetan aurkitzen ez baduzu, telefonoz edo e-mailez eskatu)

harremanetarako: 34 943 753 016
gastelupeko@hotsak.com